

〔三代實錄陽成三十三〕元慶二年六月十六日庚辰雷電雨下如倒井京城之內溝渠皆溢霹靂於東寺幡竿

〔三代實錄陽成三十四〕元慶二年七月甲午朔大藏省奏霹靂於倉前棟木有黃雀含口蒼虫而死腹毛焦爛

九月廿八日庚申紀伊國司言今月二十六日亥時風雨晦暝雷電激發震於國府廳事及學校并舍

屋被破官舍二十一宇緣邊百姓三本〇三、一十三家權掾口在宗姊一人女子一人掾紀利永妻一人女

子一人從男女各一人合六人壓死掾利永男女各一人國掌漢人貞魚合三人震死支解大木倒仆者

十本〇十一餘株

〔三代實錄光孝四十九〕仁和二年九月四日己卯辰時雷雨伊勢齋內親王明日可修禊事大藏省預於葛野

河邊裝束建幄不風不雨忽破割就而見之爲雷所震裂也

〔扶桑略記醍醐二十四〕延長六年五月廿九日未時雷迅會昌門樓巽角簷中火其中煙炎々樓屋飛驒工等

云火勢未盛以水沃滅修理職匠預阿多千春採八省中枯蕨塞震破處炎因之暫止相次以水沃滅

〔日本紀略醍醐一〕延長八年六月廿六日戊午諸卿侍殿上各議請雨之事午三刻從愛宕山上黑雲起急

有陰澤俄而雷聲大鳴墮清涼殿坤第一柱上有霹靂神火侍殿上之者大納言正三位兼行民部卿藤

原朝臣清貫衣燒胸裂天亡年六十四又從四位下行右中辨兼內藏頭平朝臣希世顏燒而臥又登紫宸殿

者右兵衛佐美努忠包髮燒死亡紀蔭連腹燔悶亂安曇宗仁膝燒而臥

〔扶桑略記醍醐二十四〕延長八年六月廿六日戊午是日申一刻雲薄雷鳴諸衛立陣左大臣以下群卿

等起陣侍清涼殿殿上近習十餘人連膝但左丞相近御前同三刻早天曠々陰雨濛々疾雷風烈閃電

照臨卽大納言清貫卿右中辨平希世朝臣震死傍人不能仰瞻眼眩魂迷或呼或走云々先是登殿之

上舍人等俱於清涼殿逢霹靂右近衛忠兼死形體如焦二人衣服燒損死活相半良久遂無恙又雷火

著清涼殿南簷右近衛茂景獨撲滅申四刻雨晴雷止臥故清貫卿於蔀上數人肩昇出式乾門載車還

家又荷希世出修明門外載車將去上下之人觀如堵牆如此騷動未嘗有矣